

Karakterit oqaasertalernissaannut siunnersuut

Meeqqat atuarfianni inaarutaasumik naliliineq

Kalaallit oqaasii

Oqaluttariarsorneq

| Karaktee- | Taaneqarnera | Allaaserinera |
|-----------|------------------------|--|
| A | Pitsaalluin- nartoq | Misilitsissutip imaanik pingaarnermik paasinnineq qularnaatsuvoq tutsuiginartuullunilu. Oqaatsinik, imaanik allaatiginnittaatsimillu eqqorluartumik misissuillunilu qimerluugaqareerluni nassuiaaneq tunngavilersugaalluinnarpoq. Kalaallisut atuartitsinermi ilisimasassanik atuineq qularnaappoq tamakkiisumillu paasisaqarsimanermik ersersitsilluni. Naleqqiussineq tunngavilersorluugaavoq atuartullu kalaallisut atuartitsissummi ilisimasassanik amerlasuunik paasinninnini takuttippaa. Misilitsissutip imaanik naliliineq annertuutigut tunngavilersorluugaavoq. Saqqummiussaq tulleriinnilersorluugaavoq. Oqaasertalersuineq erseqqippoq paasiuminartuullunilu. Oqaatsit nattaqqallisaarani, allanngorartumik ersarissumillu atorneqarput. Ilisimasassat pillugit oqaloqatigiinneq eqqummaariffiullunilu tunngavilersorluakkanik akissutitaqarpoq. |
| B | | |
| C | Pitsaasoq | Misilitsissutip imaanik pingaarnermik paasinnineq erseqqippoq. Nassuiaaneq oqaatsinik, imaanik allaatiginnittaatsimillu naammaginnartumik qularnaassusilimmik misissuinnikkut tunngavilersugaavoq. Kalaallisut atuartitsinermi ilisimasassanik atuineq naammaginnartumik qularnaappoq. Naleqqiussineq naammaginnartumik tunngavilersugaavoq atuartullu kalaallisut atuartitsinermi ilisimasassat ilai paasisimavai. Iimaanik naliliineq ilaannarsiortumik tunngavilersugaavoq. Saqqummiussaq tulluurtumik tulleriinnilersugaavoq. Oqaasertalersuineq naammaginnartumik erseqqippoq paasiuminartuullunilu. Oqaatsit paasinarput naammaginnartumillu ersarillutik. Ilisimasassat pillugit oqaloqatigiinneq ilaannarsiortumik eqqummaariffiuvuq naammaginnartumillu tunngavilersuiffiulluni. |
| D | | |
| E | Naammattoq | Misilitsissutip imaanik pingaarnermik taassumalu immikkoortuinik pingaarnermik paasinnineq akueriinnartariaqarpoq. Oqaatsinik, imaanik allaatiginnittaatsimillu nassuiaaneq misissueqqissaarnerlu qularnarput akueriinnartariaqarlutillu. Kalaallisut atuartitsinermi ilisimasassanik atuineq qularnarpoq nalaatsornerullunilu. Naleqqiussineq amigarpoq kalaallisullu atuartitsinermi ilisimasassanik ataatsimut isiginniffiunanilu paasinniffiunngilaq. Iimaanik naliliineq naappoq tunngavilersugaananilu. Saqqummiussaq tulleriinnilersugaanngilaq. Oqaasertalersuineq ersarluppoq paasiuminaallunilu. Oqaatsit paasinarsinnaapput ersarissinnaallutillu. Oqaloqatigiinnermi atuartoq taamaallaat aperineqarnermini naatsumik akisarpoq. |
| Fx | | |
| F | | |